

後村先生大全集

後村先生大全集卷第七十二

外制

皇弟太師武康軍節度使判大宗正事顯王
與芮三代謚贈

故高祖太師秦國公子奭追封周王賜謚元
肅朕隆棣華之友愛加厚於天倫念葛藟之本根皆
原於祖訓發百年之潛德節一惠以追榮具官某故
高祖具官某恂恂族黨之間肅肅閨門之際雖高才
不試世但知公子之賢然陰陽尤多里素有善人之
譽積此餘慶施于後昆朕因覽班書參稽漢事交與

彭祖易名彼得其一偏王視古人較德此為於全美
有如英爽無魏褒崇

故曾祖太師齊國公伯昨追封楚王賜謚

孝節

朕廣累朝睦族之恩嘉介弟榮親之志雖肯王大國
褒崇極一字之封然潛德幽光鬱積歷百年之久乃
哀逸事備著贊書具官某故曾祖具官某挺麟宗近
屬之英值羯虜亂華之變為醜類所執而往矣同守
者之迨而斃之履屯而亨抗志不撓范蠡去而變姓
陳平羸而刺船長嘯借一帆之風赤手活萬人之命
當千騎肆模金之暴潛往故鄉舉二親已埋玉之喪

歸散寓里其處家國之際豈非今古所無戴白之老
能設汗青之筆未載噫朕節二惠非由議郎博士之
言史不一書永為忠臣孝子之勸可

故祖太師魯國公師意追封吳王賜謚宣獻
朕有介弟賢如文恭孝事親忠事君允蹈先訓物本
天人本祖誰無是心參稽節惠之文昭示發潛之義
具官某故祖具官某生重光之世有令聞於時虬鬚
天人遠矣神明之胄麟趾公子藹然信厚之風允引
翼於後昆皆胚胎於王考史官失其逸事故老記為
美設參沈約賀琛之群言蔽以獨斷合河間竟陵之

二美錫茲嘉名益衍慶源永垂後裔可

故高祖太師秦國公子奭追封周王

朕加厚天倫追榮先德以世家而論人才自古已然
如水木之有本原其來遠矣英爽雖九京之隔褒崇
極一字之封具官某故高祖具官某稟大雅不群之
資生太平無事之際蕭然衡泌壯圖未展於風雲修
於家庭素行見推於月旦果上穹之福善慶奕棄之
生賢儻非侈茅土之恩何以慰棣華之志噫惟乃四
世祖亦朕屬藉之親其以大邑周為王賜履之國可
故高祖妣秦國夫人王氏贈周晉國夫人

仁人於弟隆一時友睦之恩婦爵從夫極四世褒崇
之寵具官某故高祖妣秦國夫人王氏出烏衣之名
族儷麟趾之宗英靡好紛華相安隱約宜家宜室寔
始開後人之祥如山如河既追封小君之號朕舉

皇朝之曠禮慰王卽之孝思以衍慶源以旌懿範昔
荒穰雍蓋循典故之常今益晉周用廣湯沐之邑可

故曾祖太師齊國公伯昨追封楚王

周封姬姓之國尤重宗盟漢非劉氏不王遂為家法
朕篤友于之至愛發逝者之幽光既錫嘉名遂躋極
品具官某故曾祖具官某生富貴而負軼群之氣履

忠難而包周身之防忠孝兩全仁智兼盡近者因詞
臣之固請命太史而特書昔遵守舊章已冠乎五等
之爵今褒崇大節何靳於一字之封其改全齊俾王
故楚可

故曾祖妣齊國夫人劉氏贈楚越國夫人

朕篤厚倫之愛察尊祖之情孝於親忠於君已光汗
簡之載正乎外位乎內宜旌彤管之賢度越常彛舉
行曠典具官某故曾祖妣齊國夫人劉氏本卯金之
裔儼磐石之宗俾夫子能垂久遠之名亦小君有相
儆戒之道礪礪落落如日月王旣加茅土之封委委

佗佗如山河爾宜異筭珣之禮其賜二邦之湯沐以
為九原之寵光可

故祖太師魯公師意追封吳王

古者封建同姓蓋以宗強天之報應善人常於身後
朕加厚天倫之愛載褒世德之賢具官某故祖具官
某典刑老成被服儒雅啜菽飲水之樂修於家庭重
珪壘組之祥施于孫子慨先朝之耆舊嘉介弟之顯
揚雖宰木成陰冠劍之藏已久然分茅裂壤綸綍之
言維新自曲阜而移封合全吳而賜履可

故祖妣魯國夫人石氏贈吳魯國夫人

朕友愛于弟褒崇其先行修於家凜祖風之如在言
不出相蓋女子之未知爰錫贊書以昭懿範具官某
故祖妣魯國夫人石氏截髮之事蹕斷機之訓嚴原
奕世貴盛之由皆大母賢淑所致孫方濟美以真王
而襲封夫既追榮豈婦人之無爵改湯沐於二國萃
恩徽於一門可

榮 恭王故外孫魏閔孫贈承奉郎直祕閣
尔名相之孫名法從之子而朕介弟之甥也幼慧而
敏蓋童烏倉舒之倫苗而不秀朕甚傷之其以京秩
中祕告尔墓可

太保右丞相兼樞密使魚太子少卿賈似道封
贈三代

故曾祖太師魯國公嗣業追封魯國公

國家藏事於九筵人神胥悅臣子追封於三世宰輔
則然極昭代之褒崇表前人之積累具官某故曾祖
具官某樂名教之地食經訓之畬世稱鄉里善人知
之淺矣古有丘園隱德庶乎近之生能安於一尊二
簋之貧歿不逮乎萬鐘五鼎之養傳家嫡紬書於渠
觀至孫曾紀績於旂常焚老上之庭漢地息傳烽之
警杞文王於廟鎬京有奠枕之安妙筭卓然慶源遠

矣噫飲福受胙孰先麟閣之元勛裂壤分茅仍啟龜
蒙之舊宇寵光優渥英爽哀榮可

故曾祖母魯國夫人於氏贈魯國夫人

燔燎之礼行于合宮湯沐之封及于曾廟既告成于
熙事必推本於慶源具官某故曾祖母魯國夫人於
氏秉德淑均宅心慈恕冲約安荆練之輒功言合圖
史所書觀石常空截鬣而享容誦絃不輟圓胆以課
兒惟其積之豐而取之廉所以嗇其前而昌其後挺
生端揆顯相精裡四郊息羽檄之虞九扈奏金穰之
喜追榮三世足慰重泉噫告江漢淮夷之功相予宗

祀啟曲阜東蒙之宇為爾脂田永播徽音益蕃來裔

故曾祖母魯國夫人於氏贈國夫人

柴燎之禮既成厥施斯普石窀之封維舊其命維新
既典領於頤廳宜褒崇其先廟具官其故曾祖母魯
國夫人於氏賢淑如周南所詠幽閒有林下之風敬
夫如賓不嫌於舉案歸妹以娣所賴以績絃居常炊
度屨而烹雌不待高門閭而容駟積是餘慶在其後
人江漢浮浮湯湯績成功而獻捷宮廟雖肅肅慶
熙事之告成祭澤可通於漏泉慈容豈隔於長夜辟
公率周多士寔爾家之孫曾仲子為魯夫人視惟垣

之爵邑可

故祖太師越國公偉追封越國公

類于帝裡于宗既成裸薦之礼物本天人本祖皆有
顯揚之心載嘉元台使領之功追獎王父義方之訓
具官某故祖某官某貫穿千載之學鼓吹六經之文
以科目之名儒逢乾淳之真主青藜照夜部瀛洲十
八士之游畫戟行春任漢家四千石之重有其志而
無時命非其身必在子孫續紀旂常名垂竹帛施及
調元之老歸然安社之臣王命來宣武夫洸洸而虡
怒公率以祀多士濟濟而駿奔真再造於皇圖宜首

褒於祖德成洛邑祭清廟允資顯相之勞探禹穴上
會稽不改舊封之大顧如精爽服我寵靈可

故祖母越國夫人於氏贈越國夫人

衮衣相祀實總統於元台錦告追崇遂褒崇其王母
緬懷賢範加厚徽章具官某故祖母越國夫人於氏
履行懿恭惟姿和順俗尚閥閱求王謝之華宗世為
婚姻有朱陳之古意及夫子已雙旌而五馬
不副筭而六珈傳子至孫出將入相游竟之
助祭之士駿奔既徹姐霈漏泉之恩乃出綸為幽
之寵噫國之大事惟祀成洛邑之肅雍家之積

餘仍會稽之湯沐於今鮮儼其後益蕃可

故祖母越國夫人陸氏贈越國夫人

注黃流之潔已畢精裡補彤管之遺追勞慈訓新
疏渥幽隧有光具官某故祖母越國夫人陸氏通
華宗作嬪名士繼室以声子見謂淑賢舉按知孟光
尤相賓敬懿範可儀於族黨慶源萃見於子孫
旂常志安社稷掃清妖祲永絕投鞭之謀收召
咸在奉璋之列摹畫皆元台之力胚胎由王母之
雖文駟雕軒生不拜小君之號然錦囊金詔沒猶
大國之封苗裔相承熾昌未艾可

故父太師魏國公涉特進封魏郡王

朕率由舊章稱秩元祀奉璋助祭冠使領於合宮

姐均釐先宰衡之祢廟矧英爽尚存於遺烈豈褒崇
可恨於常尋具官某故父具官某蔚乎名臣事我寧
考入則簪華持橐而上雍出則輕裘緩帶而師邊紅
袖之降附滋多玉帳之規恢甚遠忠臣義士知祖述
誓江之心故老遺黎悲宗澤過河之志事哉太史慶
鍾象賢於皇家有再造之功為爰考績未成之緒露
布奏行營之捷氣稷掃清衮衣侍清廟之祠月星明
概九今者彌縫之妙用皆向馬傳授之義方噫文右

饗之成禮賴上公之相魏大名也剖符峻異姓之王
益闡幽光永垂來裔可

故母魏國夫人史氏特贈魏韓國夫人

朕聿隆孝治肇舉宗祈右之饗之爰霈漏泉之
我復我誰無凱風之思況元勳方佩于安危豈慈
可稽于崇獎具官某故母魏國夫人史氏自生貴閥
婉于名臣如友如賓肯以牛衣而動念從夫從子孰
云象服之不宜柰何鳶鶴之別離弗覩麒麟之圖畫
乃者外騰戎捷內講精裡邊陲罷傳柝之虞郡國奏
嘉禾之瑞皆爾三遷之教致茲再造之功熙事既成